




Duz Meuzraiz Iq Dwggyaiez Haenx

可爱的小花猫

“Song geu mumh, ngiengx doxhwnj, gangjvah lumj ngw lwgnyez daej, caenh swiqnaj, mbouj roi gyaiej, doengxhaemh byaij roen mbouj aeu daeng daeuj rongh.” Sou rox gou gangj gijniex dwg gijmaz doenghduz lwi? Mbouj loek, couh dwg duzmeuz.

Duzmeuz daengx ndang bwnnyumnyum, aen' gyaiej luenzlulu, daengj fouq rwz soemsedsed. Lwgda hunghung de maeq baenz diuz sej ndeu, hoeng baez daengz doengxhwnz, couh doq lumj song naed caw ronghmyigmyig. Cawx gijineix le, duzmeuz lij miz diuz rieng raezrangrang caeuj congh bak iq lumj yinghdauz ndeu.

Gou gig haengj duzmeuz iq neix, moix ngoenz bwnq haeux hawj de gwn. Miz baez ndeu, gou gaem gaiq saejnoh ndeu, cuengq youq henz bak duzmeuz, duzmeuz yungh rengz gaet gaemz ndeu, saejnoh deng gaet bae baenz mbiengj. Gou raen duzmeuz ngah gwn raixcaix, couh siengj nyexnyex de. Yienghneix, gou dawz saejnoh cuengq youq gwnz gvih, duzmeuz yawjraen lo, de baij ok gij yiengh hojlienx sisi, yawj saenzheiq cehda de, lumjbaenz doiq gou naeuz: “Bouxcaiw iq, gou iek lo, aeu gijgwn hawj gou gwn ba.” Aen sim gou doq unq roengzdaeuj, dawz saejnoh baez di baez di bwnq hawj duzmeuz. Duzmeuz gwn liux le, conghbak lij doenghyubyub, lumjbaenz doiq gou naeuz: “Docih mwngz, bouxcawj iq, majhung le gou itdingh bauqdap mwngz.” Gou youq henz rwz duzmeuz naeuz: “Cungsim bauqguek.” Duzmeuz lumjbaenz dingq rox gij vah gou, ngaekgyaeuj sigsig.

Duzmeuz neix geijlai dwggyaiez, gou haengihei de!

(Lij Langgez raiz Goenggen hoiz)

Baez Daih'it Vuenh Heuj

第一次换牙

Gou bineix 9 bi lo, gaeng vuenh gvaq le 8 swnj heuj. Moix baez vuenh heuj, daxmeh cungj riunyumnyum dwk gangjdaengz gij yiengh mwh gou baez daih'it vuenh heuj.

Geiqndaej gou ngamq gvaq 6 bi ngoenzseng, daxmeh couh hainduj ngauz swnj heuj youq cungqgyang hangzheuj laj gou haenx. Miz ngoenz ndeu, daxmeh angq dwk naeuz: “Diuz heuj cungqgyang mwngz yaek loenq lo.” Gou mbwnjbak naeuz: “Heuj gou yaek loenq lo, mwngz lij angq dem?” “Dahhuk, mwngz moix vuenh swnj heuj ndeu, couh ndaej maj sang donh ndeu.” Daxmeh lumh aennaj biz gou, gou daj gyang da de yawjraen aenyienh bonjfaenh bizbiz. Daj neix hwnj, gou ngoenzngoenz ciuqgingq yawj swnj heuj neix, maqmuengh de vaiqdi loenq. Hoeng, gvaq haujlai ngoenz lo, diuz heuj ning neix cungj mbouj loenq. Dauqdae miz ngoenz ndeu, daxmeh yawj hwnj yawj roengz haujlai nanz, naeuz: “Yawj daeuj hawj de gag loenq miz di nanz, raeuz bae yihyen hawj canghyw bang loek ba.”

Baez dingqdaengz ngaiz bae yihyen, lij aeu loek heuj dem, gou sikhaek siengj daengz gij cingzgingj dwglau boux canghyw ndang daenj buhau fwngz gaem faggimz loek heuj haenx, hwk ndaej gou laebdaeb bi fwngz: “Mbouj, mbouj, gou mbouj bae yihyen!”

Daxmeh rox gou vihmaz lau le, riuha hwnjdaeuj.

“Yawj mwngz ngaiz hwk baenz neix!” Daxmeh aeu fwngz yoek najbyaek gou, “Loek heuj mbouj in saekdi, caiq gangj diuzheuj mwngz couh yaek loenq lo, bae le hix dwg hawj canghyw loq yungh di

rengz satlo!”

Gou saenzdedded bae daengz yih-yen, canghyw led gij raemxyw henj hwnj swnj heuj ning gou bae, liuxle yungh aengeb ndeu daeuj geb diuz heuj gou. Gou cingq siengj gouz canghyw roengz fwngz mbau di, de cix yungh rengz loek doxhwnj mbat ndeu, diuz heuj couh deng loek hwnjdaeuj lo. Raemxda gou hix riengz dwk lae roengzdaeuj. Sijsaec naemjnaemj, lae raemxda mbouj dwg aenvih in, dwg lau.

Ma ranz le, gou baez ciuq gingq, ya, hangz heuj laj veuq bae lo, lumj gyangbak miz aen conghndaem nei, yakyawj lai lo. Gou cam daxmeh: “Baenzlawz cijndaej hawj diuzheuj maj vaiq di ha?” Daxmeh dap naeuz: “Lai dak ndit, lai bouj gai couh ndaej lo.” Gou dingq le gij vah daxmeh, gipmuengz bae hai conghcueng, aj bak vauvau dwk, hawj ndit ciuq daengz giz veuq bae. Hoeng gamjsouh mbouj daengz raeujrub saekdi, dauqfanj lumj gwn rumznit nei.

Daxmeh riu dwk naeuz: “Dahhuk, mbouj dwg heuh mwngz dak heuj, hawj daengx ndang dak ndit cijndaej hawj heuj mwngz maj ndaej vaiq.” Gou dingq le suk hoz riu lo, riengjret couh buet bae baihrog dak ndit. Gvaq le geij ngoenz, bakveuq gwnzde maj ok le naed hauhau ndeu, lumh hwnjbae youh genq youh soem, wnggai couh dwg heuj moq lo. Gou angq dangqmaz!

Moix baez daxmeh daezhwnj gienh saeh neix, dou cungj nyaenx mbouj ndaej riu hwnjdaeuj, doengzseiz, gou hix daj gyang da daxmeh yawj ok de vih gou majhung angq lai lo. (seiq nienzgaep Bangz Beiz raiz Ouh Caijfangh hoiz)


Cibbet

Lwgvuengziq byaij gvaq diegsa. De raen gag duj va ndeu ndwi, duj va neix cij miz sam limq ndwi, goj mbouj baenzyawj geijlai……

“Mwngz ndei!” Lwgvuengziq naeuz.

“Mwngz ndei!” Dujva naeuz.

“Vunz cungj bae gizlawz liux ne?” Lwgvuengziq roxsoq roxlaex cam naeuz.



Lwgvuengziq



|bouxraiz Swng' aihgwzsuhbeilij bouxhoiz Luz Fwncangz

圣埃克苏佩里 著 卢奋长 译

Miz ngoenz ndeu, dujva ndaej raen gvaq gyoengq bouxgaicawx ndeu byaij gvaq gizneix.

“Vunz?” Dujva han naeuz, “Miz roek caet boux vunz, geij bi gaxgonq gou ndaej raen gvaq gyoengqde, hoeng mbouj rox gyoengqde bae gizlawz gvaq. Rumz ci gyoengqde deuz gvaq, aenvih gyoengqde mbouj miz rag mbouj miz goek, dwgrengz lai.”

“Dauqraen!” Lwgvuengziq naeuz.

“Dauqraen!” Dujva naeuz.

Cibgouj

Lwgvuengziq benz hwnj goengq byasang ndeu, gaxgonq de ndaej raen gvaq sam goengq ndoifeiz sang lumj gyaiejhoq de ndwi. De dangq goengq ndoifeizdai de guh daengqiej. Lwgvuengziq vubvubvev gag naeuz: “Ndw youq gwnz byasang neix cim bae gyaie, gou da ndeu cix ndaej yawjraen singgiuz caeuj vunz guhliux luba.” Hoeng, de cij raen dat soem dat raeh ndwi.

“Mwngz ndei!” De roxsoq roxlaex dongx naeuz.



“Mwngz ndei …… mwngz ndei …… mwngz ndei ……” Singhap cienz doxdaug.

“Gyoengqsou dwg bouxlawz ha?”

Lwgvuengziq naeuz.

“Gyoengqsou dwg bouxlawz ha……gyoengqsou dwg bouxlawz ha……gyoengqsou dwg bouxlawz ha……” Singhap cienz doxdaug baez moq.

“Gyoengqsou guh baengzyoux gou ndaej lwi? Gou mbwqlinlin.” Lwgvuengziq naeuz.

“Gou mbwqlinlin …… gou mbwqlinlin …… gou mbwqlinlin……” Singhap cienz doxdaug baez moq. (24)